

671.1238
078
112

卷二十二 封域志四
山川四 卷二十三 封域
志五 卷三十四
封域志六 山川六

永平府志

永平府志卷二十二

封域志四

山川四

東山在縣東二里一名圍山前有石南向形如屏幃上有佛影山背石窟與千佛山扒虎洞相對僅可容人近爲土石掩塞舊志云可容千人疑誤

知縣顧崧嶽爲永行禁止鑿挖山石碑記云自古創建城池不特雄藩重鎮固爾圖度周詳卽山城末邑亦必審曲精至或襟江而帶湖或礪山而抱水建立之來非無因矣昌邑有仙臺山及五峯山考厥龍脈實爲一邑之幹其東西兩山則枝脈之所發也層巒疊嶂圍繞城垣形勢秀而風俗醇北平郡中昌黎獨推人文之勝惟山效靈其以此與遐稽前歲奉旨重修城垣所需石塊皆運自遠方曾未取諸此山者誠有見於此山之石關係綦重也前已屢示曉諭不許鑿毀嗣後或恐無知之徒私自取攜致損風脈間

亦有之爰鑄諸石永行禁止儻敢有再取此山一石者地方人民立即稟究即本山住持亦不得辭巡察之責焉是爲記乾隆四十六年四月

野湖山縣東四里

兩山縣東八里以路旁兩石名有廟

盧龍辛大成兩山道中看花詩云崎嶇無路訪招提
野草春深信馬蹄淡抹斜陽花萬樹五峯東畔兩山
西野棠如雪小桃紅半放蘋婆醉晚風
彷彿趙昌新著色黃鸝無語坐花叢

樵夫山縣東十二里其山孤立山畔兩石窟可容數百人

法寶山

聯峯山縣北二十里左右巔十餘里一曰海眼山石洞

有泉潮汐應候接撫甯界

案此山似卽撫甯之馮家山與臨榆之聯峯山異

行虎山縣東北十里狀如行虎

正面山縣東北十五里

藥局山縣北三里秀石錯峙傳有異人採藥於此山東

面有石平坦上可容十餘人後圍石如屏鐫曰醉翁

亭山腰東壁旁鐫十八羅漢像中鐫觀音像形神活

見下有扒虎洞勢類懸弓中有石如伏虎故名山南

石壁界劃如匾額形中鐫殼化登天四字

饅頭山一名千佛山縣北四里元人張勛題曰蓬萊第

一關往來諸山所必由也

三角山縣北四里上有石城昔人避兵於此石槽石碣
尙存一名平頂峪

白石山縣北四里

桃花山縣北五里上有洞下石壁有泉亦名桃源旁有
慰心臺

御史萬泰覺園和尚趺化塔碑云釋之習佛猶儒之
習聖賢也釋不能人佛間有人焉無愧於佛之徒猶
儒不能人聖賢間有人焉無愧於聖賢之徒也當吾
世而遇淬德砥行邇追前修之儒必流連慨慕以爲
聖賢之徒奮筆揚扢風茲來許此秉彝自然之理也
乃與釋之刻意苦身精進證正果者以爲佛之徒而
謝之靳不操觚使沙門之功行踔絕者掩抑不傳不
幾畛域過嚴阻人孳孳白業之徒耶同鄉佛種上人
河南郡之永甯人代襲指揮蓋亦勲舊之家云童年
善病發出世願捨身熊耳東山景德寺皈依象教戒

慧勇猛號以沙彌巨擘明沒寇焰獺狷中州無甯宇
上人遂一衲飄然西遊晉陽東抵燕薊卓錫於馬蘭
峪城角寺鐘磬梵唄不倦勤者五載忽一日語弟子
信受曰吾儕雖矻矻奉佛不越尋常比耶功課耳不
遇禪宗棒喝思終墮惡趣無由入三昧境也乃偕徒
入都受戒於憫忠寺上座棲心禪悅謀精藍於山西
巷之地藏庵庵舊址湫隘上人竭蹶開拓規模宏敞
遂爲清淨名區上人天性真慤寡言笑常兀兀趺坐
從幼啖素瀕老不渝中閒屏去滋味澹糗五年恬然
不爲苦矢願鈔法華經一部市歲功竣鈔華嚴經一
部五年功竣皆刺舌血爲之尤浮圖家所難功德無
量如恆河不可思議洵緇流中不易多覩者矣年六
十九於康熙六年三月二十七日奄然寂滅玉筯垂
地肉體歷五日不仆都人聞之聚觀如市皆詫異焉
先是上人豫知大數至徧辭朋輩其徒以辨後請語
以勿倉皇俟吾棄世後汝等徐爲之未遲也至是果
然所謂習佛而毅然無愧於佛之徒者茲其人歟茲
卜於己酉年三月三日建浮屠座於昌黎之桃花山
同郡國子先生劉龍賓屬余記其事因敘顛末
勒貞珉以告後之孳孳白業者康熙八年三月

碣石山縣北八里山頂有石卓立如柱相傳爲天橋柱
碣石之名以此其石在仙臺頂西北雲峯寺右距城
十餘里與仙臺頂實是一山史言秦皇漢武魏武元
魏文成高齊文宣唐太宗並登此山
漢武登之名漢武臺魏文成登之改名
今無可見惟石壁鑱文五十四爲石花所封
樂遊山
僅存明昌幾年五字乃金章宗年號也

〔案〕禹貢夾右碣石入於河特以山之高大足爲標幟
者言之而非拘拘於地脈之連絡古今之斷斷以碣
石爭者皆因夾右入河一語以爲九河必由碣石以
入海也於是有王橫淪入於海無可指實之妄說
地至

五百里豈能空闊無人並無所屬郡邑之名而漫言
五百里乎况碣石爲大山卽淪入海斷不能滅頂何
至渺無蹤跡此而蔡氏直謂九河入海之處有碣石
爲妄說無疑

在其西北岸遂將執碣石以求九河而九河茫然而
碣石愈杳然矣夫堯冀諸地本無此石而援濡易諸
水中高不與河通之故駁九河之必不能從平州之
境入海其說誠然乃因九河之不於是入海而遂舍
平州以別求所謂碣石則大誤夫戰國策常山九門
之碣石人知其非矣而蔡氏集傳引漢書地理志驪
城縣大碣石山在其西南而增之曰河口之地驪城
爲平州之境烏有所謂河口者哉是蓋未深繹夫夾

右之義也

蔡九峯生於南宋南北分裂何由知北方山川之形勢此不過以意爲之善夫

孔穎達之說曰導河入海傳云入於渤海也計渤海北距碣石五百餘里禹貢行碣石不得入於河也蓋遠行通水之處北盡冀州之境然後南回入河而逆上夾右者夾行此山之右則碣石非河口之地審矣夫夾者腋也右者行其右也經文自明如九河口在碣石則禹貢當言至於碣石入於河而豈得云夾右哉蓋海道浩淼必望大山之特出者以爲標準海過平州南趨瀛渤之間地勢坦衍千百里中無大山可望故必以碣石爲準而夾右以行然後可南轉以入

於河然則碣石特取其遠望可爲標幟不惟不必求
之於河口而並可不必求之於海旁矣酈道元言驪
城枕海有石如甬道數十里當山頂有大石如柱形
韋昭以爲碣石其山則今臨榆縣之角山然又謂昔
在河口海濱淪入於海則亦未明夾石之義爲王橫
之說所誤耳漢武帝紀注文潁云碣石在遼西桑縣
桑縣今之昌黎縣也其說蓋與酈異酈所云之碣石
誠在海旁而驪城爲今之撫甯縣角山實在其東南
顯與地理志相歧今昌黎縣之仙臺頂去海三十里
猶之海畔也形如覆鐘通址頂皆石高五里許上有

石柱數十丈自海濱望之矗矗高出可爲標幟其地實當撫甯之西南夫輿地之書地理志最爲近古而可信則斷之以驪城之西南而碣石定矣乃地理今釋以爲求之於撫甯昌黎杳無碣石蹤跡其意遂以道元文潁之說爲不足據而直以肇域志所言山東海豐縣有馬谷山卽古碣石且援劉文偉之說以爲合於禹貢入河入海之文則尤爲武斷獨不思碣石果在山東班氏豈指千里外杳不相及之山以爲右北平驪城之封域乎推原其故殆不知古之驪城今析臨榆而求之於今之撫甯而驪城無碣石矣又不

思海道標準之山不必附在海旁而問諸海濱而桑
縣無碣石矣於是泥河口以求碣石而夾右之義亦
晦矣豈不誤哉昔曹孟德之伐烏桓也蓋嘗臨碣石
而賦詩道里所經夫豈海豐之馬谷所可假者而或
者曰操自無終回軍上徐無山出盧龍口經白檀歷
平岡涉鮮卑庭東指柳城柳城當今甯遠州地則近
登臨榆之所謂碣石山於理爲近固無由入關而臨
昌黎之碣石也然操之進軍本以故道之濱海沔下
故用田子春計履險蹈虛以乘烏桓之不意至戰勝
而歸又何必不從故道方軌徐行以就安而便糧運

者且操之將伐烏桓預鑿泉州渠以通運胡三省以爲泉州渠東至海陽縣樂安亭南與濡水合而入於海樂安亭今之樂亭縣然則由泉州渠而糧運誠於行故道爲便操而歸從故道則昌黎之碣石相去至近東臨之以觀滄海亦宜矣

史言秦始皇刻銘碣石門今仙臺頂下不遠有

二小山對峙其狀

如門未知是否

秦始皇帝碣石銘云遂興師旅誅戮無道爲逆滅息武殄暴逆文復無罪庶心咸服惠論功勞賞及牛馬恩肥土域皇帝奮威德并諸侯初一泰平墮壞城郭決通川防夷去險阻地勢既定黎庶無繇天下咸撫男樂其疇女修其業事各有序惠被諸產久並來田莫不安所羣臣誦烈請刻此石垂著儀矩

魏武帝碣石篇云東臨碣石以觀滄海水何澹澹山島竦峙樹木叢生百草豐茂秋風蕭瑟洪波湧起日

月之行若出其中星漢燦爛若出其裏幸甚至哉歌以詠志 孟冬十月北風徘徊天氣肅清繁霜霏霏

鷓鴣晨鳴鴻雁南飛驚鳥潛藏熊羆窟棲錢鏐停置

農收積場逆旅整設以通賈商幸甚至哉歌以詠志

鄉土不同河朔隆寒流澌浮漂舟船行難雖不入

地豐籟深奧水竭不流水堅可蹈士隱者貧勇俠輕

非心常歎怨戚戚多悲幸甚至哉歌以詠志 神龜

雖壽猶有竟時騰蛇乘霧終爲土灰老驥伏櫪志在

千里烈士暮年壯心不已盈縮之期不但在天

天養怡之福可得永年幸甚至哉歌以詠志

明李攀龍碣石篇云碣石中怒滄海北倚元氣吐飲

若偃若起長風相薄跳波千里懸流冒顛天漢外紀

地軸高標轂轉白日與齊俱入與泊俱出 委蛇者

河千里一曲方之舟之匪芻伊粟大行詰屈西北是

經車轍馬迹日不遑甯於鑠聖人依其在京差次吏

功郡國以成 羽翼未就鴻鵠徘徊神龍失水螻蟻

所裁珠不暗投劍不倒持能弗用利勿處於

疑高才者妬匪但其人逃名避世以保其身

蓋今東南海運自海而北達漳河實出乎此予喜其

符唐虞之舊制也勒之以詞云惟聖建國實曰冀都
北極之運萬邦作孚宮廷彤赫時彼中居士女和會
隘鄺塞郭江橋白粲淮耜黃淤聿官有漕竟海其艫
偉哉碣石枕我海隅表此水道長爲委輸上蟠乾奧
下結坤區割流獫養披秀醫閭三月播盪星辰盤盂
恠神罔象鼉鰲龍魚颿扶纜守翼奮鱗驅番輦國用
來通帝家自國有貢或河而渠或砥斯鑿或絕或踰
繭絲紈帛金寶象珠搜毫竭縷滿裊壓車矧茲米粟
誠係藏儲得一圭祚懸萬命軀漢乖轉輓唐尼征需
於穆我后仰唐承虞按之圖籍實以德符普天率土
瞻戴罔渝偉哉碣石厥狀屹如若柱斯植若丹
斯塗溟漲如席濁渾以趨削巉勒辭永代斯模
明盧龍韓原善碣石詩云鑿石憑誰問巨靈摩空古
壁摘寒星巖深仙客時留馭樹老僧人不記齡松覆
鶴巢山點翠瀑翻龍洞澗流腥紅
塵永謝清涼境招得閒雲鎖薜局
國朝知縣陽城王曰翼碣石詩云一柱孤懸霄漢旁千
秋禹蹟舊茫茫峯迴雁塞關雲紫日射鯨門海氣蒼
汗漫殘碑埋徑草崔嵬宮闕照扶桑
朝宗不有中流砥誰障洪濤萬里狂

水岩縣北八里有寺林木繁茂蘋果最佳又有上水岩
在果老院北

黑鷹峪縣北十里兩山壁立

樂亭趙建邦由黑鷹峪過馬秀才山莊詩云石磴萬
千曲山村三兩家壓檐羊棗樹夾路馬蘭花雲過松
陰暗泉通蘚徑斜卜鄰
待他日長此伴煙霞

柳峪縣北十里

紫草峪縣北十里

散坡峪縣北十里

白廟峪縣北十里

仙臺山縣北十二里自太行分派東來惟此與裂頭山

景山角山兔耳山爲平營五頂頂有石碁局相傳仙

人曾弈於此山腰鐫仰止二字明楊于陞書金天會

十五年有僧建臺四面立石若闌檻臺後有果老院

又東北半空有韓湘洞

案仙臺有二徑西徑中間南面一石鐫天門第一四字下

鐫解脫嶺三字天門第一上西壁北鐫天風海濤四字又上有地名把式場鐫天門第二四字東徑有黑峪溝長六里餘上頂險峻名閻王鼻鐫止水二字大二尺餘溝中西壁峭立千尋有瀑布泉中間鐫峭壁流泉四字勻圓秀聳其大如斗縣丞

楊于芳題旁釘一鐵環不知何用

遷安馬恂海山攬勝記云東望巒岫濃翠蔚積有翠然聳出乎諸山而俯若萬里者昌黎之仙臺頂也形如豕傳有之曰天橋柱古碣石也登碣石以觀滄海壯哉觀乎顧豔昌黎山水者不徒援碣石而嘖嘖碣石之支五峯是昔者高人勝士西堂牧仲諸公所流連而嘯詠也人愛山乎山藉人乎癸巳秋仲涖